



ZAVOD ZA PLANIRANJE I IZGRADNJU OPĆINE KAKANJ
BiH.72240 Kakanj, ul. Branilaca bb Tel. + 32 55 20 12 Fax 55 20 10
Identifikacioni broj: 4218520070001 Porezni broj(PDV): 21852007001
Transakcijski račun: IKB d.d. Zenica 134-020-0000356396

IZVJEŠTAJ

o realizaciji Programa utroška sredstava komunalne naknade za 2017.godinu

U skladu sa Okvirnim programom rada Općinskog vijeća za 2017.godinu te u skladu sa usvojenim programom, Zavod za planiranje i izgradnju općine Kakanj podnosi izvještaj općinskom vijeću o realizaciji Programa utroška sredstava komunalne naknade 2017.godinu u ukupnom iznosu od **1.900.000,00 KM**.

Prihod komunalne naknade u 2017. godini iznose 1.544.418,05 KM, 81,3% u odnosu na planirani utrošak sredstava komunalne naknade po Programu utroška sredstava komunalne naknade za 2017. godinu. Ostvareni prihodi su bili dovoljni za pokriće ostvarenih rashoda po Programu utroška sredstava komunalne naknade. Ukupno raspoloživa sredstva komunalne naknade za 2017. godinu su iznosila 1.712.844,70 KM. Razlika između raspoloživih i planiranih sredstava komunalne naknade u iznosu 168.426,65 KM odnosi se na prenešena a neutrošena sredstva iz predhodnih godina.

U tabelarnom prikazu koji slijedi može se vidjeti kolika je realizacija pojedinih pozicija u odnosu na planirane pozicije.

Red. br.	Naziv pozicije	Procjenjena vrijednost radova po Programu utroška (KM)	Ugovoreni iznos (KM)	Realizacija (KM), napomene
1.	Održavanje i modernizacija javne rasvjete	610.000,00		
1.1	Utrošak električne energije javne rasvjete u gradu i mjesnim zajednicama	490.000,00	548.765,10	473.156,39
1.2.	Održavanje, rekonstrukcija i proširenje (MZ Dumanac, naselje Rošćevina i MZ Krševac, naselje Varalići) javne rasvjete na području općine Kakanj	120.000,00	120.000,00	147.850,13
2.	Zimsko održavanje prohodnosti na sobračajnicama	210.000,00	210.000,00	209.994,83
3.	Rekonstrukcija i proširenje glavne gradske saobraćajnice u ul. Alije Izetbegovića	535.400,00	Nije ugovoreno	Nije realizovano 52,00
4.	Dekoracija općine	13.000,00		
4.1.	Postavljanje transparenata i zastava za državne, međunarodne i vjerske praznike i ukrašavanje područja općine	10.000,00	10.000,00	9.999,92

4.2.	Nabavka novih transparenata, zastava i ukrasa	3.000,00		2.642,06
5.	Održavanje spomen obilježja	7.500,00	7.500,00	7.498,76
6.	Održavanje postojeće urbane opreme u gradu i nabavka nove	45.000,00		41.103,42
	Održavanje postojeće urbane opreme	35.000,00	35.000,00	34.918,33
	Nabavka nove urbane opreme	10.000,00		6.105,09
7.	Dio troškova (plate, materijalni troškovi i usluge) Zavoda	479.100,00		432.686,22
	UKUPNO	1.900.000,00		1.324.983,72

OBRAZLOŽENJE

1.Održavanje i modernizacija javne rasvjete

1.1. Utrošak električne energije javne rasvjete u gradu i mjesnim zajednicama

Nakon provedene procedure javne nabavke, potpisan je Ugovor o nabavci i isporuci električne energije za potrebe javne rasvjete, semafora i fontana na području općine Kakanj u 2017.godini, sa Javnim Preduzećem Elektroprivreda BiH d.d. Sarajevo u vrijednosti od 548.765,10 KM

Sredstva za utrošak energije javne rasvjete predviđena su na osnovu utroška iz prethodnih godina jer se nije realizovala ušteda potrošnje električne energije uvođenjem sistema LED rasvjete.

1.2.Održavanje i rekonstrukcija postojeće javne rasvjete u gradu i mjesnim zajednicama

Na osnovu Okvirnog sporazuma potpisan je Ugovor o izvođenju radova na održavanju postojeće javne rasvjete u gradu i mjesnim zajednicama, sa J.P. Elektroprivreda d.d. Sarajevo, zavisno društvo Rudnik mrkog uglja d.o.o. Kakanj, u vrijednosti od 120.000,00 KM.

-Predviđeni projekti

Predviđeni projekat rekonstrukcije i proširenja mreže u MZ Krševac - naselje Varalići, nije realizovan jer nije pribavljena projektna dokumentacija i neophodne dozvole od strane predstavnika Mjesne zajednice.

Radovi na proširenju mreže u MZ Dumanac - naselje Rošćevina započeli su u mjesecu decembaru, tačnije izvršen je priključak el.energije, tako da ovaj projekat nije realizovan do kraja. Radovi će se nastaviti u 2018.godini.

-Redovni poslovi održavanja javne rasvjete podrazumjevali su stalne intervencije na izmjeni dotrajalih rasvjetnih tijela, izmjeni samonosivih kablova i ugradnji potrebnih spojnika, otklanjanje šteta nastalih elementarnim nepogodama ili dotrajalošću opreme.

Na pojedinim mjestima svjetiljke neodgovarajuće kvalitete zamjenjene su novim optimalnim.

Vršeni su poslovi na proširenju postojeće mreže na TS Brežani, TS Brnjic, TS Novo naselje Bare, TS Malješ- Zagulje i TS Bijelo Polje.

Tokom manifestacije Kakanjski dani vršilo se napajanje el.energijom za osvjetljenje i druge potrebe u Parku prijateljstva, na centralnoj bini i Etno selu.

-Nepredviđeni radovi:

- Zbog rekonstrukcije mreže elektrodistribucije na nove betonske stubove, vršili su se radovi na izmještanju rasvjetnih tijela sa starih stubova na nove uz ugradnju samonosivih kablova i spojnika. Radovi su izvođeni na trafo stanici Elementara - druga dionica, trafo stanici Bare- naselje Brus, trafo stanica Pitka voda - ul. Omera Maslića, te dio rasvjete u naselju Povezice.

U naselju Crkvenjak izvršena je montaža rasvjetnih tijela i kablova čiju nabavku su investirali mještani, te je na ovaj način proširena mreža u dužini od cca 1km.

U naselju Povezice , izvršena je ugradnja 70 kom LED rasvjetnih tijela, čiju nabavku je finansirala vlada republike Mađarska.

Izvršena je rekonstrukcija u trafo stanici Lamela, radi izmještanja razvodnog ormara i prateće opreme na insistiranje elektrodistribucije.

Svi ovi nepredviđeni radovi povećali su utrošak po ovoj poziciji.

2. Zimsko održavanje prohodnosti na saobraćajnicama

Preduzeću J.P. "Vodokom" d.o.o. Kakanj povjereno je zimsko održavanje prohodnosti na saobraćajnicama, u sklopu potpisanog ugovora o održavanju i čišćenju javnih saobraćajnih površina i zelenih površina u gradu Kakanju za 2017.godinu, a na osnovu Zakona o javnim nabavkama (Sl.glasnik BiH, br. 39/14) i Zakona o komunalnim djelatnostima („Sl. Novine ZE-DO kantona „, br.17/08)

Vrijednost ugovorenih radova iznosi 210.000,00 KM

Zimsko održavanje podrazumijevalo je održavanje u prohodnom stanju gradskih saobraćajnica i ostalih javnih površina u gradu (trotoari, parking prostori, platoi i stepeništa) te putnih pravaca van gradskog područja. Šljaka se odvozi i deponuje u prigradska naselja gdje je teren nepristupačan za redovno održavanje. Čišćene su saobraćajnice i ostale površine od snijega, posipana je so i abrazivni materijal.

3.Rekonstrukcija i proširenje glavne gradske saobraćajnice u ul. Alije Izetbegovića

U februaru 2017. godine pokrenuta je Javna nabavka za vršenje radova na rekonstrukciji i proširenju glavne gradske saobraćajnice u ul. Alije Izetbegovića. Zainteresovani ponuđač

" BETA-COMPANY"d.o.o. Kakanj, u martu je podnio žalbu na tendersku dokumentaciju.

Od tada pa do decembra, ponuđač podnosi žalbe, ukupno jedanaest, kojima zaustavlja proceduru Javne nabavke.

Iz tog razloga nije moglo ni doći do realizovanja ove pozicije.

4 Dekoracija općine

4.1.Postavljanje transparenata i zastava za državne, međunarodne i vjerske praznike i ukrašavanje područja općine.

U sklopu Ugovora sa preduzećem J.P. "Vodokom" d.o.o. Kakanj vršeni su ovi radovi tokom cijele godine, pred praznike i značajne događaje, kada se na području općine postavljaju transparenti i zastave.

Za novogodišnje praznike postavljaju se svjetleća dekoraciona tijela, vrši se postavljanje i ukrašavanje jelke na gradskoj fontani. Redovno se vrši pranje transparenata i reparacija oštećenih.

-Vrijednost ugovorenih radova iznosi 10.000,00 KM

-Realizovano je 9.999,92 KM

4.2.Nabavka novih transparenata, zastava i ukrasa

Zbog dotrajalosti zastava izvršena je nabavka novih , takođe su obnovljeni novi novogodišnji ukrasi i dr. u vrijednosti od 2.492,06 KM.

5.Održavanje spomen obilježja

Vršenje ovih poslova povjereno je preduzeću J.P. "Vodokom" d.o.o. Kakanj, kroz osnovni Ugovor. Ova pozicija podrazumijevala je redovno čišćenje, pobiranje otpadaka, pranje spomen obilježja i pristupnih staza u gradskom parku, a naročito detaljno čišćenje prilikom održavanja manifestacija. Svake godine pred manifestacije i obilježavanje važnih datuma, čiste se i vrše popravke na spomenicima u Kamenici, Semizovcu i Kraljevoj Sutjesci.

6.Održavanje postojeće urbane opreme u gradu i nabavka nove

-Kroz Ugovor sa J.P. "Vodokom" d.o.o. Kakanj, precizirano je održavanje urbane opreme u gradu, a između ostalog i održavanje dječijih igrališta i sprava za igru djece u ispravnom stanju. Radovi po ovoj poziciji odnosili su se na reparaciju oštećenih sprava za igru djece na svim dječijim igralištima u gradu, zatim reparaciju oštećenih ograda, zamjenu obruča za košarku, zamjena i farbanje sjedalica, klupi, lanaca idr.

Vršena je reparaciju korpica za otpatke, montaža i demontaža naprava za igru djece pred zimski period.

Izvršeni su radovi na izradi betonske ploče sa nazivom na novootvorenom dječijem igralištu u dvorištu škole Mula Mustafa Bašeskija.

-Vršena je reparacija i farbanje štafli na klupama u ul. A.Izetbegovića, i na šetalištu uz obalu rijeke Bosne.

Redovno se vrši pranje klupa i eksponata muzeja na otvorenom na Maloj cesti.

Vršena je reparacija i farbanje saobraćajnih prepreka, te ugradnja novih na mjestima gdje je to potrebno.

-Stubovi, nosači saobraćajnih znakova su reparirani u smislu zavarivanja i farbanja.

-Postavljane su štafle za zaštitu novonasađenih drvodrednih sadnica.

Izvršena je rekonstrukcija oštećene betonske ograde na "Đuđinom mostu".

Nabavljene su i postavljene klupe i korpe za otpatke. Izvršena je nabavka i ugradnja zaštitne ograde na pješačkoj stazi ispod stadiona u ul. branilaca.

7.Dio troškova (plate, materijalni trškovi i usluge) Zavoda

Programom utroška sredstava komunalne naknade za 2017. godinu planirani dio utrošak za plate, ostala primanja zaposlenih, materijalne troškove i usluge iznosio je 479.100,00 KM

U 2017. godini ukupni troškovi plata, ostalih primanja zaposlenih, materijalni troškovi i usluge iznose 552.671,11 KM, od toga dio koji se odnosi na komunalnu naknadu iznosi 432.686,22 KM.

Ovi troškovi odnose se na:

- Bruto plate i naknade
- Naknade troškovga zaposlenih
- Doprinosi poslodavca i ostali doprinosi
- Putni troškovi
- Izdaci za komunikacije i komunalne usluge
- Nabavka materijala i sitnog inventara
- Izdaci za usluge prijevoza i goriva
- Unajmljivanje imovine i opreme
- Izdaci za tekuće održavanje
- Usluge osiguranja, bankarske usluge i usluge platnog prometa
- Ugovorene i druge posebne usluge

OBRADIVAČ

Zavod za planiranje i izgradnju općine Kakanj

PREDLAGAČ

Općinski načelnik